



TRANSPARENCY  
INTERNATIONAL  
BOSNIA AND HERZEGOVINA

# TAZENICA TAXI DISKRIMINACIJA

Polovinom marta 2012.g., na adresu Transparency International BiH (TI BiH) je došlo lično pismo oštećenog građanina, u kojem su bile iznijete osnovane pritužbe na rad Udruženja taksista „Zenica taksi“. U predstavi je bio opisan način na koji je Udruženje po autorizaciji Opštine Zenica - sprovodilo različita bodovanja kandidata, po pitanju dobijanja reda za dodjelu taksi stajališta, omogućavajući direktnu favorizaciju jednih kandidata spram drugih. Opština je odlukom dala Udruženju razriješene ruke u pravnom domenu propisivanja kriterijuma za dobijanje prvenstva taksi stajališta.

„Zenica taksi“ je spornim Pravilnikom favorizovala djecu taksista u odnosu npr. boračku populaciju i redovne kandidate, obzirom da se taksi stajališta dodijeljuju na osnovu bodovanja. Po pravilniku djeca taksista koja su obavljala djelatnost ili djeca taksista u penziji, su dobijala 8 od ukupno 10 mogućih bodova, dok bi obični kandidati (za svaku godinu čekanja) dobijali po samo 1 bod! **U prevodu**, obični građanin bi trebao da provede na čekanju 10 godina, kako bi ostvario bilo kakvu konkurentnost u odnosu na bolje plasirane kandidate, a koji bi takve bodove dobili u startu, pri apliciranju, zbog toga što statusno pripadaju odabranim kategorijama. Sporni Pravilnik je posredno diskriminirao i osobe ženskog pola, zato što se pri kandidovanju za taksi stajališta, dodatno bodovalo i učešće u Oružanim snagama Federacije BiH.

Transparency International BiH se krajem mjeseca obratio Opštini Zenica, tražeći zvaničan stav Službe za ekonomske odnose i preduzetništvo u vezi sa spornim problemom legalne favorizacije. U odgovoru, Opština je citirala kantonalne odredbe o prenosu nadležnosti u tim pitanjima na Udruženje „Zenica taksi“, ne odavajući nikakvu zainteresovanost za preuređivanje ovog socijalno-statusnog pitanja.

Zbog postojanja posredne diskriminacije u konkretnom slučaju, TI BiH se obratio instituciji Ombudsmana za ljudska prava u BiH. Po otvaranju službenog postupka, TI BiH i Opština Zenica su davali svoje komentare i argumente u odnosu na činjenicu ne/postojanja diskriminacije. Ombudsmanu BiH je stavljeno do znanja da je Opština dala saglasnost i prenijela u nadležnost pitanje odlučivanja i uređivanja profesionalne djelatnosti (kao što je taksi djelatnost) Udruženju građana?! Pogotovo što je Udruženju dato ovlaštenje da sačini listu čekanja, u diskriminatornom i nezakonitom i neustavnom maniru.

Ombudsman je okončao postupak u korist Transparency International BiH izdavanjem Preporuke Udruženju taksista „Zenica Taksi“ s ciljem brisanja spornih odredbi. Naša stranka je i dalje na listi čekanja, ali je mišljenja da je izmjenom učinjen ogroman korak za sve buduće kandidate, obzirom da više ne postoje favorizacije, ili posebni kriteriji.

[ALAC Centar za pružanje pomoći u borbi protiv korupcije](#)

Nađite nas via:  